



საქართველოს შინაგან საქმეთა სამინისტრო

სატენდერო დოკუმენტაცია

გამარტივებული ელექტრონული ტენდერის საშუალებით
საფოსტო და საკურიერო მომსახურების შესყიდვა.

CPV-64100000

1. ინსტრუქცია ტენდერში მონაწილეობისათვის

1.1 სახელმწიფო შესყიდვების ერთიან ელექტრონულ სისტემაში (შემდგომში-სისტემა) შესყიდვების პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავჯდომარის 2011 წლის 7 აპრილის №9 ბრძანების შესაბამისად.

1.2 ელექტრონულ ტენდერთან/გამარტივებულ ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3 ტექნიკური დოკუმენტაციის განხილვისას უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 სახელმწიფო შესყიდვების ერთიან ელექტრონულ სისტემაში (შემდგომში-სისტემა) ატვირთული ყველა დოკუმენტი ან/და ინფორმაცია ხელმოწერილი და ბეჭედდასმული (ბეჭდის არარსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთული უნდა იქნას მინდობილობა ან რწმუნებულება).

1.5 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.6 პრეტენდენტს არა აქვს უფლება წარმოადგინოს ალტერნატიული წინადადება.

სატენდერო დოკუმენტაციის შესახებ დამატებითი ინფორმაციის და განმარტებებისათვის მიმართეთ სატენდერო კომისიის აპარატს: თათია ლოლაძე ტელ: 577 22-45-22 . ტექნიკური კითხვებისათვის დაუკავშირდით ირაკლი ბაჯელიძე ტელ: 577 59-53-38; მის: ქ. თბილისი, გ. გულუას ქუჩა №8.

2. ტექნიკური დოკუმენტაცია:

2.1 შესყიდვის ობიექტის ტექნიკური დავალება და სავარაუდო ღირებულება:

- საფოსტო და საკურიერო მომსახურების (ქვეყნის გარეთ) გაწევა.

მიმწოდებელმა უნდა უზრუნველყოს:

- მიმწოდებელმა უნდა უზრუნველყოს საქართველოს შიანგან საქმეთა სამინისტროსათვის სწარფი საერთაშორისო საფოსტო და საკურიერო მომსახურების (ქვეყნის გარეთ) გაწევა.

მათ შორის:

- ა) მიმწოდებლის კურიერის უფასო გამოძახება და კურიერის მიერ გზავნილების ჩაბარება სამუშაო დღეებში 10:00-დან 17:00 - საათამდე, შაბათს საქიროების შემთხვევაში 10:00 - დან 14:00 - საათამდე;
- ბ) ინტერნეტ პორტალის მეშვეობით გზავნილების კარიდან კარამდე ონლაინ ტრეკინგი (სატრანზიტო ქვეყნების ჩათვით);
- გ) წერილის გაგზავნის დროს: საერთაშორისო საფოსტო გზავნილების ჩაბარების შესახებ შეტყობინების შემსყიდველისათვის დაბრუნება თბილისში - გზავნილის ადრესატისთვის ჩაბარებიდან 5 (ხუთი) სამუშაო დღეში;
- დ) საერთაშორისო გზავნილების შეფუთვისათვის საჭირო მასალების მიწოდება;
- ე) შემსყიდველისათვის საერთაშორისო გზავნილების რეგისტრაციის მკაცრი აღრიცხვა, უნიკალური ნომრიანი ზედდებულების მიწოდება;
- ვ) თუ მიმწოდებელი ვერ განახორციელებს გზავნილების ჩაბარებას ზედნადებში მითითებული არასწორი ინფორმაციის, მიმღების მიერ გზავნილის მიღებაზე უარის განცხადების ან/და ზედნადებში მითითებულ მისამართზე ადრესატის 2-ჯერ არდახვედრის შემთხვევაში, მიმწოდებელი ვალდებულია დაუყონებლივ შეატყობინოს აღნიშნული შემსყიდველს და უზრუნველყოს გზავნილის უკან დაბრუნება აღნიშნული ტექნიკური დოკუმენტაციის 3.1 პუნქტით განსაზღვრული ვადების განმავლობაში. ამ შემთხვევაში გზავნილის უკან დაბრუნების ღირებულების გადახდას უზრუნველყოფს შემსყიდველი გზავნილის გაგზავნის ღირებულების ოდენობით.
- ზ) იმ შემთხვევაში თუ გზავნილის ჩაბარება ადრესატისათვის ვერ ხორცილედება დადგენილ ვადაში, მიმწოდებელმა დაუყონებლივ უნდა უზრუნველყოს შემსყიდველისათვის აღნიშნული გარემოების შეტყობინება.
- თ) დანართი N1- ში განსაზღვრული ერთეულის ფასი უნდა ვრცელდებოდეს, რგორც გასაგზავნი ისე მიღების მომსახურებაზე.

შენიშვნა: სავარაუდო ღირებულება 20 000 ლარი.

2.3 პრეტენდენტის გამოცდილება:

2.3.1 პრეტენდენტს 2012, 2013 და 2014 წლების განმავლობაში უნდა გააჩნდეს ანალოგიური მომსახურების გაწევის გამოცდილება.

3. სხვა მოთხოვნები:

3.1 მომსახურების გაწევის ვადა და ადგილი:

3.1.1 მომსახურება უნდა განხორციელდეს ხელშეკრულების ძალაში შესვლიდან 2015 წლის 31 დეკემბრის ჩათვლით. საერთაშორისო გზავნილის ადრესატისათვის მიტანა უნდა განხორციელდეს მიმწოდებლის მიერ შემსყიდველისაგან გზავნილის ჩაბარებიდან:

- ა) ევროპის ქვეყნებში - 4 (ოთხი) სამუშაო დღეში;
- ბ) ამერიკაში - 5 (ხუთი) სამუშაო დღეში;
- გ) დსთ-ს ქვეყნებში - 5 (ხუთი) სამუშაო დღეში;
- დ) სხვა დანარჩენ ქვეყნებში - 6 (ექვსი) სამუშაო დღეში.

3.2 სატენდერო წინადადების ფასი:

3.2.1 სატენდერო წინადადებაში საერთო და ერთეულის ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

3.2.2 სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარში.

3.3 ანგარიშსწორების პირობები:

3.3.1 შემსყიდველი იღებს ვალდებულებას აუნაზღაუროს შემსრულებელს მომსახურების ღირებულება ეტაპობრივად, ყოველი კონკრეტული მომსახურების გაწევის შემდეგ კანონმდებლობის შესაბამისად ანაზღაურებისათვის საჭირო დოკუმენტაციის წარმოდგენიდან 20 კალენდარულ დღეში.

3.3.2 ანგარიშსწორების ფორმა - უნაღდო.

3.3.3 წინასწარი ანგარიშსწორება (ავანსი) არ განიხილება.

3.3.4 დაფინანსების წყარო 2015 წლის სახელწიფო ბიუჯეტი.

3.4 პრეტენდენტის მიერ ერთიან ელექტრონულ სისტემაში ასატვირთი მონაცემები:

3.4.1 ფასების ცხრილი დანართი №1-ის მიხედვით;

3.4.2 რეკვიზიტები დანართი №2-ის მიხედვით;

3.4.3 ინფორმაცია მომსახურების გაწევის პირობებისა და ვადების შესახებ თანახმად ტექნიკური დავალებისა (პერსონალისა და ინფრასტრუქტურის გათვალისწინებით)

3.4.4 ინფორმაცია 2012, 2013 და 2014 განმავლობაში განხორციელებული ანალოგიური მომსახურების გაწევის შესახებ (შესყიდვების ერთიან ელექტრონულ სისტემაში ატვირთული უნდა იყოს გაწეული მომსახურების დამადასტურებელი დოკუმენტები (ხელშეკრულებები შესაბამისი მიღება-ჩაბარების აქტებით და/ან სხვა დოკუმენტები);

4. დამატებითი ინფორმაცია:

4.1 პრეტენდენტს არ აქვს უფლება წარმოადგინოს ალტერნატიული სატენდერო წინადადება.

ხელშეკრულება N _____
სახელმწიფო შესყიდვის შესახებ
(გამარტივებული ელექტრონული ტენდერი SPAN.....)

პროექტი

ქ. თბილისი

“___” _____ 2015 წ.

საქართველოს შინაგან საქმეთა სამინისტრო (მის: ქ. თბილისი, გია გულუას ქუჩა N8, საბანკო რეკვიზიტები: სახელმწიფო ხაზინა, კოდი - TRESGE22, საიდ. კოდი - 204383176), შემდგომში წოდებული „შემსყიდველად“, წარმოდგენილი საფინანსო-სამეურნეო დეპარტამენტის დირექტორის ვლადიმერ ხატიაშვილის სახით და მიმწოდებელი: შპს/სს/იმ/ფკ „XXXXXX“, საიდენტიფიკაციო კოდი XXXXXXXXXX;

მისამართი, ტელეფონი: ქ. XXXX, XXXX ქ. NXX. ტელ: XXX XX XX;

დირექტორი: XXXX XXXXXX;

საბანკო რეკვიზიტები: სს „XXXX ბანკი“ ბანკის კოდი: XXXXXX; ანგ. ანგარიში: XXX XXX XXX XXX

ორივე ერთად წოდებული როგორც „მხარეები“, ვმოქმედებთ, რა საქართველოს კანონმდებლობის და „სახელმწიფო შესყიდვების შესახებ“ საქართველოს კანონის საფუძველზე, ვდებთ წინამდებარე ხელშეკრულებას:

1 გამოყენებული ტერმინების განმარტება

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1 „ხელშეკრულება“ – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3 „დღე“, „კვირა“, „თვე“ – კალენდარული დღე, კვირა, თვე.

1.4 „შემსყიდველი“ – ორგანიზაცია, რომელიც ახორციელებს შესყიდვას.

1.5 „მიმწოდებელი“ – პირი, რომელიც ახორციელებს მომსახურების გაწევას ამ ხელშეკრულების ფარგლებში.

1.6 „მომსახურება“ – წინამდებარე ხელშეკრულების მე-2 მუხლით გათვალისწინებული ხელშეკრულების საგანი.

1.7 „ტექნიკური დოკუმენტაცია“ – მიმწოდებლის მიერ NSPA..... გამარტივებულ ელექტრონულ ტენდერში სატენდერო წინადადებით წარმოდგენილი ტექნიკური დოკუმენტაცია, რომელიც ერთვის ხელშეკრულებას, როგორც მისი განუყოფელი ნაწილი.

2 ხელშეკრულების საგანი

წინამდებარე ხელშეკრულების დანართი N1-ით განსაზღვრული საფოსტო და საკურიერო მომსახურების (ქვეყნის გარეთ) შესყიდვა (CPV-64100000).

3 ხელშეკრულების ღირებულება

3.1 ხელშეკრულების ღირებულება: ----- (თანხა სიტყვიერად) ლარი.

3.2 ხელშეკრულების ღირებულება მოიცავს, როგორც გასაწევი მომსახურების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

3.3 წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

4 მხარეთა ვალდებულებები

4.1 მიმწოდებელი ვალდებულია:

ა) უზრუნველყოს წინამდებარე ხელშეკრულებით გათვალისწინებული მომსახურების გაწევა ხელშეკრულების ძალაში შესვლიდან 2015 წლის 31 დეკემბრის ჩათვლით. (ევროპის ქვეყნებში - 4 (ოთხი) სამუშაო დღეში; ამერიკაში - 5 (ხუთი) სამუშაო დღეში; დსთ-ს ქვეყნებში - 5 (ხუთი) სამუშაო დღეში; სხვა დანარჩენ ქვეყნებში - 6 (ექვსი) სამუშაო დღეში).

ბ) ხელი შეუწყოს შემსყიდველს ხელშეკრულების პირობების შესრულების კონტროლის განხორციელებაში და განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე დაუყოვნებლივ უზრუნველყოს აღმოჩენილი ხარვეზის გამოსწორება;

გ) განახორციელოს ამ ხელშეკრულებით მასზე დაკისრებული სხვა ვალდებულებები.

4.2 შემსყიდველი ვალდებულია:

ა) უზრუნველყოს ხელშეკრულების შესრულების კონტროლი;

ბ) განახორციელოს ამ ხელშეკრულებით მასზე დაკისრებული სხვა ვალდებულებები.

5 ხარისხი

ხელშეკრულებით გათვალისწინებული მომსახურების ხარისხი უნდა შეესაბამებოდეს დადგენილ სტანდარტებს.

6 ხელშეკრულების შესრულების კონტროლი და მომსახურების მიღება-ჩაბარების წესი

6.1 შემსყიდველის მიერ მომსახურების გაწევის ვადების, ხარისხისა და მოცულობის ხელშეკრულების მოთხოვნებთან შესაბამისობის დადგენა და ხელშეკრულების პირობების შესრულების კონტროლი განხორციელდება პერიოდულად, როგორც მომსახურების გაწევის დროს, ისე ამ ხელშეკრულების მოქმედების მთელი პერიოდის განმავლობაში შემსყიდველის მოთხოვნათა შესაბამისად.

6.2 ხელშეკრულების პირობების შესრულების კონტროლს განახორციელებს პირობების შესრულების კონტროლს განახორციელებს შსს საფინანსო -სამეურნეო დეპარტამენტის მატერიალურ-ტექნიკური უზრუნველყოფის მთავარი სამმართველოს მომარაგების სამსახურის უფროსის მოადგილე ირაკლი ბაჯელიძე, რომელიც აგრეთვე უფლებამოსილია მომსახურების მიღება-ჩაბარების აქტის გაფორმებაზე. შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება უხარისხოდ გაწეული მომსახურება, მიმწოდებელი ვალდებულია წერილობითი შეტყობინებიდან **3 (სამი)** დღის განმავლობაში გამოსწოროს წუნი ან თუ წუნის გამოსწორება შეუძლებელია და შემსყიდველს უკვე გადახდილი აქვს მომსახურების ღირებულება, დაუბრუნოს შემსყიდველს აღნიშნული მომსახურების ღირებულება.

6.3 თუ ამ მუხლის 6.3 პუნქტით გათვალისწინებული წუნის გამოსწორების ვადა სცილდება ხელშეკრულების მოქმედების ვადას, მიმწოდებლის მიერ წუნის გამოსწორება, ხოლო წუნის გამოსწორების შეუძლებლობის შემთხვევაში თანხის დაბრუნება უნდა განხორციელდეს ხელშეკრულების მოქმედების ვადის გასვლამდე.

6.4 შემსყიდველი უფლებამოსილია განაცხადოს უარი უხარისხო (წუნდებული) ან დაგვიანებით გაწეული მომსახურების ნაწილის ან მთლიანი მოცულობის მიღებაზე.

6.5 მომსახურების მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით.

6.6 ამ მუხლის 6.2 პუნქტში მითითებული პირ(ებ)ის მიერ მიღება-ჩაბარების აქტის ხელმოწერით, მომსახურების მიღებასთან ერთად დასტურდება ხელშეკრულების შესრულების კონტროლის განხორციელებაც.

6.7 იმ შემთხვევაში, თუ მიღება-ჩაბარების აქტის გაფორმების დღე ემთხვევა არასამუშაო დღეს, მაშინ მიღება-ჩაბარების აქტის გაფორმება შესაძლებელია განხორციელდეს მომდევნო სამუშაო დღეს, რაც არ ჩაითვლება მიმწოდებლის მხრიდან ვადის გადაცილებად.

7 ანგარიშსწორება

7.1 ანგარიშსწორება განხორციელდება შემდეგი პირობებით:

- ა) ანგარიშსწორების ვალუტა – ლარი;
- ბ) ანგარიშსწორების ფორმა – უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

7.2 შემსყიდველი იღებს ვალდებულებას გადაუხადოს მიმწოდებელს მიღებული მომსახურების ღირებულება მიღება-ჩაბარების აქტის გაფორმებიდან და თანმდევი დოკუმენტაციის (საგადასახადო ანგარიშ-ფაქტურა) გამოწერიდან/წარმოდგენიდან **20 (ოცი)** დღის განმავლობაში. თუ კი ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

8. ხელშეკრულების შესრულების შეფერხება

8.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

8.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-10 მუხლის შესაბამისად.

9 ხელშეკრულების პირობების შეუსრულებლობა

9.1 წინამდებარე ხელშეკრულების 4.1 პუნქტის „ა“ ქვეპუნქტით გათვალისწინებული მომსახურების გაწევის ვადების გადაცილების შემთხვევაში ან 6.3 პუნქტით განსაზღვრული პირობების დარღვევის შემთხვევაში, მიმწოდებელს ეკისრება პირგასამტეხლო შესაბამისად ყოველ ვადაგადაცილებულ დღეზე შეუსრულებელი ან/და წუნდებული მომსახურების ღირებულების **0.2%-ის** ოდენობით.

9.2 პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

10 ხელშეკრულებაში ცვლილებების შეტანა

10.1 ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლების ხელმოწერით.

10.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11 დავების გადაწყვეტა

11.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.

11.2 თუ ასეთი მოლაპარაკების დაწყებიდან **5 (ხუთი)** დღის განმავლობაში შემსყიდველი და მიმწოდებელი ვერ შეძლებენ სადავო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

12 ხელშეკრულების შეწყვეტა

12.1 შემსყიდველი უფლებამოსილია ხელშეკრულების ნებისმიერ ეტაპზე მთლიანად ან ნაწილობრივ შეწყვიტოს წინამდებარე ხელშეკრულება, თუ მიმწოდებელი ვერ უზრუნველყოფს წინამდებარე ხელშეკრულებით გათვალისწინებული ვალდებულებების შესრულებას, ან საქართველოს კანონმდებლობით დადგენილ სხვა შემთხვევებში, რის შესახებაც შემსყიდველი წერილობით აცნობებს მიმწოდებელს.

12.2 შემსყიდველის მიერ ხელშეკრულების ცალმხრივად შეწყვეტის შემთხვევაში შემსყიდველი პასუხს არ აგებს ხელშეკრულების შეწყვეტის შედეგად გამოწვეული ზიანისათვის, გარდა საქართველოს კანონმდებლობით დადგენილი შემთხვევებისა.

12.3 ხელშეკრულება შეიძლება შეწყდეს მხარეთა წერილობითი შეთანხმების საფუძველზე.

12.4 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული ვალდებულებების შესრულებისგან.

13 ხელშეკრულების მოქმედების ვადა

წინამდებარე ხელშეკრულება ძალაში შედის ამ დოკუმენტის თავში მითითებული თარიღიდან და მოქმედებს **2016 წლის 31 იანვრის ჩათვლით**.

14 ფორს-მაჟორი

14.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

14.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი

ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

14.3 მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

15 სხვა პირობები

ხელშეკრულება შედგენილია სამი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო ორი_შემსყიდველს.

16 მხარეთარეკვიზიტები:

შემსყიდველი

მიმწოდებელი

დანართი N1

ქვეყნების დასახელება	გზავნილის სავარაუდო წონა	გასაგზავნი გზავნილის რაოდენობა	გაგზავნის ერთეულის ღირებულება	გაგზავნის ჯამური ღირებულება	ჩამოსატანი გზავნილის რაოდენობა	ჩამოსატანის ერთეულის ღირებულება	ჩამოსატანის ჯამური ღირებულება
<i>ევროპის ქვეყნები</i>	0.5კგ-მდე	5		0.00	1		0.00
	0.5კგ -1.5კგ-მდე	2		0.00	1		0.00
	1.5კგ -3.00კგ-მდე	2		0.00	0		0.00
	3.00კგ -5.00კგ-მდე	2		0.00	1		0.00
	5.00კგ -6.00კგ-მდე	2		0.00	0		0.00
	7.00კგ-8.00კგ-მდე	2		0.00	1		0.00
	9.00კგ-10.00კგ-მდე	2		0.00	1		0.00
	10 კგ-30კგ-მდე	2		0.00	0		0.00
	30 კგ-50კგ-მდე	2		0.00	0		0.00
	50 კგ-80კგ-მდე	1		0.00	0		0.00
<i>ამერიკა</i>	0.5კგ-მდე	5		0.00	1		0.00
	0.5კგ -1.5კგ-მდე	2		0.00	1		0.00
	1.5კგ -3.00კგ-მდე	2		0.00	0		0.00
	3.00კგ -5.00კგ-მდე	0		0.00	1		0.00
	5.00კგ -6.00კგ-მდე	2		0.00	0		0.00
	7.00კგ-8.00კგ-მდე	2		0.00	1		0.00
	9.00კგ-10.00კგ-მდე	1		0.00	1		0.00
<i>დსთ და საქართველოს სხვა მეზობელი ქვეყნები</i>	0.5კგ-მდე	5		0.00	1		0.00
	0.5კგ -1.5კგ-მდე	2		0.00	1		0.00
	1.5კგ -3.00კგ-მდე	2		0.00	0		0.00
	3.00კგ -5.00კგ-მდე	0		0.00	1		0.00
	5.00კგ -6.00კგ-მდე	2		0.00	0		0.00
	7.00კგ-8.00კგ-მდე	2		0.00	1		0.00
	9.00კგ-10.00კგ-მდე	1		0.00	1		0.00

<i>სხვა დანარჩენი ქვეყნები</i>	0.5კგ-მდე	2		0.00	1		0.00
	0.5კგ -1.5კგ-მდე	0		0.00	1		0.00
	1.5კგ -3.00კგ-მდე	1		0.00	0		0.00
	3.00კგ -5.00კგ-მდე	0		0.00	1		0.00
	5.00კგ -6.00კგ-მდე	1		0.00	0		0.00
	7.00კგ-8.00კგ-მდე	1		0.00	1		0.00
	9.00 კგ-10.00კგ-მდე	1		0.00	1		0.00
<i>სულ ჯამი:</i>					<i>სულ ჯამი:</i>		

პრეტენდენტის ხელმოწერა და ბეჭედი -----

დანართი N2

1. პრეტენდენტის იურიდიული ფირმის დასახელება;

ხელმძღვანელის სახელი და გვარი;

პრეტენდენტის იურიდიული ან/და ფაქტიური მისამართი;

საიდენტიფიკაციო კოდი;

ბანკის კოდი;

ანგარიშის ნომერი;

პრეტენდენტის ტელეფონის ნომერი;

ელექტრონული მისამართი;

პრეტენდენტის ხელმოწერა და ბეჭედი

შინაგან საქმეთა სამინისტროს მისამართები
დანართი N3

- ქ.თბილისი, გულიას ქუჩა N8;
- ქ.თბილისი, გულუას ქუჩა N10;
- ქ.თბილისი, 9 აპრილის ქუჩა N4;
- ქ.თბილისი, ვაჟა-ფშაველას გამზირი N72;
- ქ.თბილისი, კახეთის გზატკეცილი 38-ე კილომეტრი.